


ԱՌԱՋԻՆ
ՏԱՐԻ

ՇԱԽԻՂ

ԱՌԱՋԻՆ
ՏԱՐԻ



ԱՋԳԱՅԻՆ, ԳՐԱԿԱՆԱԿԱՆ ԵՒ ՔԱՂԱՔԱԿԱՆ ԳԱԲԱԹ-ԱԹԵՐԹ

«ՇԱԽԻՂ»-Ի ՆՈՅՍ Է ՏԵՍՆՈՒՄ ՏԱՐԵԿԱՆ 50 ՀԱՄԱՐ ՇԱԲԱԹ ՕՐԵՐԸ

«ՇԱԽԻՂ» ծարիրան գինը 10 դրան, կես տարուանը 6 դրան: Առանձին | «ՇԱԽԻՂ» խմբագրութիւնը բաց է առաւօտեան 8—4 ժամը: Կիրակի
համարները 15 շահի: Արտասահմանում տարեկան 8 ֆրանկ կամ 3 րուբլի, | եւ տօն օրերը 10—2 ժամը: Յայտարարութիւն ընդունում է ամեն
կես ցրդիւմը 5 ֆր. կամ 2 րուբլի: Թէ՛հրանում գրում են միմիայն, | խզում: Յայտարարութիւնների համար վճարում են իւրաքանչիւր բառին
խմբագրատան մէջ: Մեր հասցէն. Téhéran Rédaction CHAVIGH. | 1 շահի:

ԲԱՑՈՒԱԾ Է ԲԱԺԱՆՈՐԴԱԳՐՈՒԹԻՒՆ 1895 Թ.

ԵՐԿՐՈՐԴ ՏԱՐԻ «ՇԱԽԻՂ» ԵՐԿՐՈՐԴ ՏԱՐԻ

ԱՋԳԱՅԻՆ, ԳՐԱԿԱՆԱԿԱՆ ԵՒ ՔԱՂԱՔԱԿԱՆ ԳԱԲԱԹ-ԱԹԵՐԹ

«Շախիղ»-ը հրատարակուի Թէհրանում (մօտաւորապէս կրկին մեծու-
թեամբ) նոյն ծրագրով և նոյն ուղղութեամբ: «Շախիղ» բաժանորդագիրն է մէկ
թուան, կէս տարուանը վեց դրան: Արտասահմանում՝ 3 րուբլի կամ 8 ֆրանկ,
կէս տարուանը 2 րուբլի կամ 4 ֆրանք:

Արտասահմանից դրամական ծրարները կարող են ուղարկել հետեւեալ հաս-
ցեով. Черезъ Баку Россійской Императорской Миссиі въ Тегеранѣ пер.
А. Бекъ-Назарову. Իսկ նպաստներ և թղթակցութիւններ հետեւեալ հասցեով.
Téhéran Rédaction „CHAVIGH“.

Դարկէժում ցանկացողները կարող են գրուի Բաղդասար Մելիք Սարգսիանցի մօտ, Սալմաստում՝
Յովհաննէս Ապրէսիանցի մօտ, Արտաքիլում՝ Յակոբ Էջիբէկիանի մօտ, Նոր-Ջուղայում՝ Յովսէփ
Բարսէղեանցի մօտ, Բուշիքում՝ պ. Կ. Զէյնուդինի մօտ:

ԲՈՎԱՆԴԱԿՈՒԹԻՒՆ

Սկզբունք եւ անձնաւորութիւն — ՆԵՐՔԻՆ, ՏԵ-
ՍՈՒԹԻՆ. Արքայ օրուայ ժողովը. Նամակ Նոր-
Ջուղայից համակ խմբագրութեան. Ներքին լուրեր.
ԱՐՏԱՔԻՆ, ՏԵՍՈՒԹԻՒՆ. «Դէյլի Նիւզ» լրագրի
կարծիքը. Արտաքին լուրեր. — Ֆէլիէտօն. — Յայ-
տարարութիւններ:

ՍԱԶՐՈՒՆՔ ԵՒ ԱՆՁՆԱԿՈՒԹԻՒՆ

Դեռ շատ ժամանակ պէտք է անցնի
նախ քան մեր հասարակութիւնը կարո-
ղանայ պարզ և որոշ գաղափար կազմել

ՖԷԼԻԵՏՈՆ

Արտագնաբանները փակուելով մեր քաղաքում
կարծես թէ մեր մէջ ամեն բան ուսումնարանների
հետ՝ իրանց գործունէութիւնից դադարել են: Դեռ
օրուայ խնդիր է մեզ մօտ ապագայ ուսումնական
տարեշրջանի համար կազմուելիք ուսուցչական խում-
բի խնդիրը երկու ծաղրի մէջ է: Բերդաւաղում
բացի տեսիցի եւ վերակազմից անցնալ տարուայ,
ամբողջ խումբը բոլորն էլ վարձուել են նոյն պայ.
մաններով:

Տեսչին չը վարձուել համար այնքան քանիք է
լուում ժողովրդի բերանից, որ եթէ մէկը հաւաքի
էլ տայ ապագութեան մէկ լաւ հէքիան կը դառնայ:
Իսկ նախկին վերակազմը, չի վարձուել՝ վերակազմ-
եան պաշտօնը մարժելուն համար: Այն ախտը, որ
ամեն հաստատութիւնների մէջ երկպառակութիւննե-
րի պատճառ է լինում, այսօր քանի գնում է մեզ
մօտ, աւելի եւ աւելի ծաւալ է ստանում, շատ ա-

սկզբունքների վերայ, ոգևորուիլ նորան-
ցով, ղեկավարուիլ նորանցով և դատել
ազգային կեանքի մէջ ամեն երևոյթ՝ ըս-
կզբունքների և ոչ անձնաւորութեանց
տեսակէտից:

Ոչ մի ժամանակ գուցէ աւելի բուռն,
աւելի դալթակղելի կերպով սկզբունքնե-
րը չեն գոհուած անձնաւորութիւնների
ինչպէս վերջին օրերս Թէհրանում տեղի
ունեցած դէպքերի մէջ:

Կրել եւ Աստուած դիտէ ապագայում դեռ ինչիք է
տեղի ունենալու: Թէ Բերդաւաղի եւ Թէ Լիւաւայի
հոգաբարձական խումբը այնպէս են կազմուած, որ
եթէ չիմ սխալում, տարուայ վերջը ամեն մի խում-
բի մէջ Թէ մնան՝ երկու հոգի, պէտք է փառք տալ
Աստուծոյ որովհետեւ այն ախտը, որը յօգուածս
աւարտելուց միայն պէտք է յայտնեմ, արդէն որոշ
տեղ է բռնում երկու խումբերի մէջ էլ, որի առա-
ջին առնելու համար գոհութիւն Աստուծոյ՝ ոչ որ
էլ չի մտածում: Ի հարկէ բացառութիւններ կան:
Կարծես այս տարի շնորհակալ պէտք է լինինք
Բերդաւաղի անցեալ տարուայ ուսուցչական
խումբի մէջ տեղի ունեցած երկպառակութիւն-
ներից: Իսկ Լիւաւայի ուսուցչական խումբի
մասին դեռ որոշ ոչինչ չենք կարող գրել. որովհե-
տեւ խումբը մինչեւ այժմ չի հասել Դավիթ Կով-
կասից. այս տարուամ վիճակից օգտուելով՝ մի
խումբ տիրացուների իրանց խնամական կապերի շը-
նորհիւ՝ հոգաբարձուների հետ՝ աշխատում են այս

Ամեն մարդ գիտէ որ մի քանի տարի-
ներից իվեր Թէհրանի հայերի մէջ տի-
րում է մի տեսակ անգուսպ, անձնական
նկատումներից ծնունդ առած պառակ-
տումներ: Ամեն մարդ գիտէ որ մի խումբ
անձնաւորութիւններ, մի քանի մարդկանց
անունները մատի փաթաթան շինելով
Թէհրանի հասարակութեան մէջ վառել
են մի հուր, որի հանգցները օրըստ օրէ
աւելի դժուարանում է, մի հակառակու-
թիւն, որի վնասը տուժում են խեղճ ան-
մեղ մանուկները:

Այս ներքին պառակտումները արձա-
գանք են գտնում մինչեւ իսկ Էջմիածնում
և անթիւ աղերսագիրներ տարածում են
վեհափառ Կաթողիկոսի աչքի առաջ
այդ տեղը պառակտումների ցնցոտիները,
Հայրիկը վշտագնում է լսելով իւր տա-
րակալ հօտի մէջ ծագած անմիութիւնը,
և ուղարկելով հայր Այվատեանին որ-
պէս փոխանորդ Պարսկաստանի և Հընդ-
կաստանի առաջնորդութեան, հրահանգ
է տալիս նորան աշխատել բաւնալ մէջ-
տեղից այդ իմար հակառակութեան պատ-
ճառները, ինքն ևս իւր սրբատառ կոն-
դակով միւնեոյն հրաւէրը կարգաւորով:

Հայր Այվատեան ժամանելով Թէհրան
ազգու քարոզներ է խօսում առանձին ա-

կու երեք տարի Դավիթի փողոցները չափուց
ձղձախաղից, արբեցութիւնից ժանձրանալով յետոյ:
Էհ, ինչ կայ, խնամի հոգաբարձու կայ. շատ կու-
րելի է մէկը կամ երկուսը մինչեւ անգամ համո-
զուած են որ տեղ կունենան այս տարի իրանց առող-
ջութեան նւ. բարոյականութեան շնորհիւ: Իսկ Թէ
չեն յաջողի՞ ողջ լինի Սալմաստի տեսուչը. Ինչ կայ,
քանի որ գերմաններ է վարձում ուսուցչութեան հա-
մար, ինչ մնաց մեր տիրացուները, որոնցից ամեն
մէկը տասը տարի արդէն ուսուցչութիւն է արել, ո-
րոնց աշակերտները ինչպէս լսում ենք ուզում են
տասնամիայ յօբէլիաններ կատարելու, իրանց ուսու-
ցիչներին երախտապարտ չը մնալու համար:

Մեր քաղաքում այժմ գոյութիւն ունին երկու
գրադոտան-ընթերցարաններ՝ մէկը Բերդաւաղում
իսկ միւսը Լիւաւայում. վերոյգրեւալ ախտից ստրանց
վարչութիւններն էլ ազատ չեն: Իսկ Բերդաւաղի
գրադոտանի վարչութեան եւ տեսչի մասին՝ արդէն
գրուած է խօսելն աւելորդ է, բայց միայն այնքանը
կասեմ, որ ներկայ տեսուչը իւր պաշտօնը ստան-

անձին գիմումներ է անում և ջանք է գործ դնում միացնել Թէհրանում գոյութիւն ունեցող երկու Ոսումնասիրաց ընկերութիւնները որոնք սկզբում մէկ, բայց մի քանի տարիներէի ի վեր երկու մասի են բաժանուած:

Ազգային Ոսումնասիրաց ընկերութիւնը ամեն պատրաստակամութիւն ցոյց է տալիս այդ միութեան համար, և նորա վարիչները ինքնաբերաբար յայտնում են որ եթէ իւրեանց գործունէութիւնը տեղի է տալիս պառակտումների իւրեանք պատրաստ են խմբովին հրաժարուիլ չը նայելով որ դեռ մէկ տարի և կէս ժամանակ է մնացել իրանց պաշտօնավարութեան վախճանին և նոր ընտրութիւններ կատարել տալ:

Դովաթի թաղի Ոսումնասիրաց ընկերութիւնը որ չորս տարի առաջ բաժանուեց բուն ընկերութիւնից և առանձին մարմին կազմեց, չուզելով ընդունել հոգևոր իշխանութեան վերահսկողութեան իրաւունքը փոխանակ մի և նոյն անկեղծ և հաշարար դիրքը բռնելու ինչ որ միւս ընկերութիւնը, ամեն գիմումների պատասխանեց խուսափողական խօսքերով:

Հայր Ալվատեան կամե՛ալով մի անգամից վանել տալ ամեն վիճելի խնդիրներին՝ որոշեց մի ընդհանուր ժողով գումարել, ուր երկուստեք եղած գանգատները յայտնուին և միացման համար հիմունքներ վճռուին:

Ազգային Ոսումնասիրաց ընկերութեան գործադիր ժողովը առանց մի րոպէ վարանուելու ընկերութեան անդամակցութիւնը ընդհանուր ժողովի հրաւիրեց և աւելի քան 50 հոգի ստորագրեցին խոտանալով ներկայ գտնուիլ:

Ինչ էք կարծում ինչպէս ընդունեց միւս Ոսումնասիրաց ընկերութիւնը այդ հրաւերը: Փոխ-ատենապետը մի նամակով գիմում է հայր Ալվատեանին, յայտնելով որ ընկերութեան ատենապետը բացակայ

լինելով ընդհանուր ժողովը ոչ կարող է գումարուիլ, ոչ խորհրդակցել և ոչ որ և է փոփոխութիւն բերել ընկերութեան կազմակերպութեան մէջ:

Ժողովին եկած լինելով միայն մէկ կողմի մարդիկ՝ ժողով չը կայացաւ և միութեան խնդիրը մի անգամ ևս ջուրն ինկաւ:

Մեզ զարմացում է այն, թէ ինչպէս մարդիկ, որոնք խօսում են ընկերութիւնների մասին, սկզբունքների մասին կարող են այդ աստիճան ստորադնել թէ իւրեանց ընկերութիւնը, թէ գործադիր ժողովը, անարգել հոգևոր իշխանութիւնը, ծիծաղել ընդհանուր հասարակութեան քթին, պնդելով որ երբ միանշանակութիւն ատենապետը—պակաս է, իւրեանք ոչինչ իրաւունք չունին: Ուրեմն ընդհանուր ժողովը մէկ ատենապետի չափ նշանակութիւն չունի:

Բայց մենք տեսնում ենք իրողութիւնների խորը, և համարձակ կարող ենք յայտնել այդ հասարակաց դատաստանի առաջ:

Այդ պարոնները իւրեանք էլ համոզւած են որ եթէ ընդհանուր ժողով գումարեն մինչև իսկ իւրեանց կազմակերպած ընկերութեան երեք քառորդը կուսակից կը լինի միութեան, այն ժամանակ իւրեանք չեն կարող այլ ևս խաղալ այն դերը որ այժմ խաղում են, և այդ վախով, չը գտնելով ոչ մի ուրիշ պատրուակ, նոքա արտայայտել են այդ վերին աստիճանի ծիծաղելի գաղափարը թէ մի ընկերութեան ատենապետը բացակայ եղած ժամանակ, ընդհանուր ժողով չէ կարող գումարուիլ:

Թող այդ պարոնները բարեհաճեն մեզ յայտնել թէ իւրեանց կանոնադրութեան քաներորդ յօդուածն է այդպիսի մի կանոն պարունակում:

Թող Թէհրանի հայ հասարակութիւնը շարունակէ իւր ներքին պառակտումները, թող մանուկների կրթութեան գործը գոհուի անձնական կրքերի: Թող կաթուղիկոսական կոնդակները ծալուին և գրուին թղթապանակների մէջ, թող առաջնոր-

դական փոխանորդը մեկնի Թէհրանից յուսահատ, միայն թէ մենք պահենք մեր դիրքը, պնդելով թէ մենք չենք կարող ժողով հրաւիրել, որովհետեւ մեր աստենապետը ներկայ չէ:

Եւ դոքա են այսօր ազգային գործերի ղեկավարները!!!:

Ահա այդպիսի կամայականութիւններին վերջ տալու համար է որ հոգևոր իշխանութիւնը պահանջում է վերահսկողութեան իրաւունք: Ահա այդպէս սանձարձակ ազգային հաստատութիւնների հետ խաղալու համար է որ այդ ընկերութեան վարիչները չեն կամենում ճանաչել հոգևոր իշխանութիւն:

Պետք է այլ ևս ապացոյցների:

Ն Ե Ր Ք Ի Ն Տ Ե Ս Ո Ւ Թ Ի Ի Ն

ԱՆՏԵԱՆՈՒ ՌԻՐԱԲ ՕՐՈՒԱՅ ԸՆԴՀԱՆՈՒՐ ԺՈՂՈՎԸ

Անցեալ ուրբաթ օր Հայր Ալվատեանի հրաւերով գումարուած էր Ս. Գեորգ եկեղեցու սրահում ընդհանուր ժողով: Ազգային Ոսումնասիրաց ընկերութեան անդամակիցները և մի խումբ ոչ անդամակիցներ ներկայ էին: Ժողովի նպատակը լինելով ուսումնասիրաց ընկերութեան երկու անջատուած ճիւղերը միացնել, մէկ կողմի անդամակիցների բացակայութեամբ, նիստը չը կայացաւ և միայն փոխանորդ Հայր սուրբը գոհացաւ մի անգամ ևս խօսելով և յորդոր կարգալով ժողովը դին, որից յետոյ նիստը փակուեցաւ: Կաշխատենք քարոզի մի քանի գլխաւոր կէտերը ներկայացնել մեր ընթերցողներին:

Հայր սուրբը նախ սկսեց բացատրել մարդկային ընկերականութիւն յարափոփոխ և միշտ աւելի յառաջադիմող վիճակը, և ապացուցանել թէ ինչ կերպով այն ինչ որ տասը տարի առաջ կարող էր գոհացում տալ մեզ, այսօր մեզ անբաւական է: Մասնաւորելով խօսքը նա այն

մնկ է այն ախտի ազդեցութեան տակ...:

Դրադարձը պէտք է խոստովանուիլ, որ բաւականին բարեկարգուել է ներկայ տեսչի օրօր—աւելացել են բաւականի նոր գրքեր կադմուել է գրամպլուխ բայց ինչ արած ախտը...:

Իսկ Լիլուայինը, Աստուած հեռի անէ, այնքան յառաջադիմել է, որ Արօրի օրացոյցը եւ դորա նշման շատ գրքեր գրել է վիպական բաժնում:

Տեսուչը գրադարանի արդէն 5 ամիս առաջ կազմուած արձանագրութեան հիման վերայ, վարչութեան հետ միասին արդէն ուսումնասիրել է կանոնադրութիւն, ներկայացրել է ընդհանուր ժողովի ընդունմանը, որը հաստատուել է տուել եւ արդէն առաջնորդուել է նոր կանոնադրութիւնով, որի մէջ, թէ տեսուչը, թէ քարտուղարը, թէ գանձապահը եւ թէ մատենապահը ինքն է նշանակուած: Մեզ մընում է շատ շնորհակալ լինել գրադարանի ներկայ տեսչից, միայն պէտք է անկեղծ խոստովանենք, որ սա էլ գործ չէ մի քաղաքում տիրող ախտից: Է՛հ, ինչ անենք, մօղայ է՝ խնամիս հոգաբարձու է, ամեն ինչ կարելի է...:

Չը մոռանա՛ւ յիշել այս տարի մեր քաղաքում

կազմուած Ընթերցասիրաց ընկերութիւնը, որի նըպատակն է ժողովրդական գրադարաններ բանալ Ատրպատականում: Այս օրերս մեր ձեռքն անցաւ յիշեալ ընկերութեան կանոնադրութիւնը, որը աչքի անցկացնելով՝ գտաւ բաւականի նպատակայարմար: Ընկերութիւնը արդէն ձեռնարկել է Գարեթում ժողովրդական գրադարան բացելուն եւ շատ կարճ ժամանակում կարողացել է բաւականի գրքեր ձեռք բերել: Վարչութիւնը շատ մեծ եռանդով աշխատում է իրան յանձնուած գործը առաջ տանել, բայց նորան պակասում է հարստականութեան աջակցութիւնը: Ի հարկէ Բերդաճաղի ներկայ հոգաբար. ձեռնութիւնը՝ չի հետեւել իւր նախորդներին. կը տայ այսպիսի հաստատութիւններին բէմը ծրի՝ իբր խըրախուսանք մեր քաղաքում եղած բարեգործական ընկերութիւնների: Այն, պարոնների ծիր կազմակերպութիւնը նոր եւ համակրելի լինելով հանդերձ, ինչպէս երևում է դուր էլ տրամադիր էք մեր քաղաքում տիրող ախտից վարակուելու: Հա՛ ախր մի ընկերութիւն էլ մնաց, դա Բարեսիրաց ընկերութիւնն է, որ, ինչպէս երևում է, լրացրական խօսքին համակրող է առայժմ, թէև մի քանի ա.

միս առաջ սկսեց շնորհիլ իւր ծրագրից, բայց իրաւոր քանի իրանց ընկերութեան բարեկամ պարոններից նորանց նկատեցին այդ բանը, յարգելի վարչութիւնը զգաց իւր սխալը եւ սկսեց լուրջ կերպով վերաբերուիլ: Բայց արդէն մեզ մօտ մօղայ դառած ախտի հոտը ինչպէս երևում է սրանց էլ է կպել:

Աշխատել ապացուցանել ախտի գոյութիւնը մեզանում՝ կը լինէր աւելորդ, որովհետեւ չեմ կարծում դուրս գալ մէկը, որ ասէ սուտ է, մեր մէջ չը կայ այդ ախտը. այդ ախտից զերծ չէ մինչև անգամ լուսաւորուած Սերոպան ուր մնաց Գարեթ: Ի հարկէ Սերոպան ունի մենք էլ պէտք է ունենանք կասեն մեր ընթերցողները: Բայց ախր, պարոններ Սերոպան ճարն էլ ունի, իսկ դուք ինչ ունիք: Ընթերցող սպասիր խնդրում եմ խիղջ կասեմ թէ ինչ է այդ ախտը.— դա մաղանում՝ արմատացած փառասիրական ու եսամոլական ախտն է, որ առաջանում է մեր հասարակական հիմնարկութիւնները ղեկավարող մարմինների բռնակալական ձգտումներից:

Ինչ դաւման ունենք սորա դէմ:

Դալրէ՛

Մ. Շ.

գաղափարը յայտնեց որ թէհրանի մէջ
ևս օր առօր ընդհանուր հասարակական
պահանջներն աւելանալու վերայ են, և
թէ յառաջագիծութեան դէմ քայլել կը
նշանակէ՝ աշխատել ամեն բան պահել
իւր հին և անփոփոխ վիճակի մէջ: (Որ
ունի ականջս լսելոյ, լուիցէ: Խմբ.):

Խօսելով զպրոցական վիճակի վերայ
հայր Ալվատեան մի առ մի թուեց այն
քորոր առարկաները որոնք մի կանոնաւոր
միջնակարգ դպրոցի համար անհրաժեշտ
են, և որոնց ուսուցումը կարօտութիւն
ունի լաւ և հմուտ ուսուցիչների, և թէ
շատ պարզամտութիւն է հարկաւոր սպա-
սելու համար որ այդ բոլորը մի միակ ու-
սուցիչ աւանդէ, և թէ մի մարդ չէ կարող
համայնագէտ լինել: Որ ունի ականջս
լսելոյ, լուիցէ:

Խօսելով առարկաների աւանդման ձևի
վերայ՝ հայր Ալվատեան նկատեց որ, օ-
րինակ, աշխարհագրութեան աւանդումը
պէտք է կենդանի ձևով լինի և հետևե-
լով նոր մեթոդների, որ աշակերտը պէտք
է կարողանայ մտքով պատկերացնել և
գրատախտակի վերայ նկարել այն երկիրը
քաղաքները որոնց մասին նովորել է, ոչ
թէ հարց ու պատասխանով մի քանի չոր
ու ցամաք անուններ միմեանց ետևից շա-
րել: (Հրաւիրում ենք համայնագէտ ուսու-
ցիչ պ. Յ. Գառապարեանի ուշադրութիւ-
նը այդ տողերի վերայ):

Խօսելով պատմութեան աւանդելու ձե-
ւի վերայ՝ հայր Ալվատեան պատմեց թէ
ինչպէս իւր մանկութեան ժամանակ ու-
սուցման եղանակը նախնական և անկա-
տար է եղել: Ուսուցիչը մեզ նշանակելով
ասում էր նա, մի տեղ գրքի միջից՝ մեզ
պատուիրում էր այս ինչ տողից մինչև
այսինչ տողը անգիր անել, և հետևեալ
դասին մենք պէտք է թուրքակի նման
լետ կրկնէինք մեր անգիր արածը: Այլ
է այժմեան մեթոդը, երբ ուսուցիչ չի խօ-
սակցելով և աշակերտի հասկացողութեա-
նը յարմարեցրած չափով և լեզուով աւան-
դում է պատմութիւնը, աշխատելով հե-
տաքերքերի դարձնել աշակերտին պատ-
մական նիւթը: Երևի հայր Ալվատեան
տեղեկութիւն չունի որ ամբողջ 17 տա-
րի դասագրքից անգիր անելու սիւստմով
են սովորեցրել թէհրանի մէջ բոլոր ա-
ռարկաները՝ այն բացառութեամբ միայն
որ դասագրքի էլ չը կար, և դորա տեղ
ճառալուծ էր միայն ուսուցչի ձեռքով
պատրաստուած հասարակաց տետրը, ուր
ամեն մի դաս բաղկացած էր մի 10—12
տողից, որ աշակերտը պէտք է անգիր ա-
նելով իւր դասը պատրաստէր, և երբ
ջանքեր եղան այդ հնադարեան ձևերը
բարեփոխելու այն տեղից սկսան այն վե-
ճերը որոնք այսօր այնքան արծարծուել են:
Հայր Ալվատեան թուելով այդ առար-

կանները կամենում էր հասկացնել թէհ-
րանի հասարակութեան որ մի կանոնա-
ւոր դպրոց ունենալու համար՝ հարկաւոր
են հինգ վեց ուսուցիչներ. հինգ վեց ու-
սուցիչներ ունենալու համար՝ հարկաւոր
է բաւական դրամ, և այդ դրամը կարելի
է ձեռք բերել միայն երբ միացած ոյժե-
րով գործեն, ոչ թէ թէհրանի հայերի
ունեցած արդէն սուղ միջոցները երկու-
սի բաժանելով:

Մենք այդ բոլոր կետերի մէջ համա-
ձայն ենք հայր սուրբի հետ, միայն թող
ենք տալիս նկատել որ մարդիկ, որոնք
եօթն ութ տարուայ սարսափելի վիճա-
րանութիւններից լետու՝ մի մազաչափ
անգամ չեն շեղուել նախկին հնադարեան
սիւստմներից, մի երկու քարոզով չեն փո-
խել իրանց դասաւանդութեան մեթոդնե-
րը, և թէ հարկաւոր է աւելի լուրջ ու-
շադրութեան առարկայ դարձնել հասա-
րակաց կրթութեան գործը, և թող չը
տալ որ տեղից շուտ վեր կացող ինքնա-
հնար ծրագրով, ինքնահնար լեզուով և
ինքնահնար մեթոդներով աւանդի ինչ
առարկայ որ հաճելի է իւր բարի կամե-
ցողութեան:

ՆԱՄԱԿ ԽՄԲԱԳՐՈՒԹԵԱՆ

Ռաշա 5 սեպտեմբերի 1894

Թող տուեցէք ձեր լրագրում, յայտ-
նել ի գիտութիւն «Շաւիղի ընթերցող-
ների» թէ որպիսի գեղծումներ և անկար-
գութիւններ են պատահում տեղույս ազ-
գային գործերի մէջ:

Ռաշտի երկսեռ դպրոցների հոգաբար-
ձութիւնը, երկսեռ դպրոցների գոյութիւ-
նը, պահպանելու համար, դիմում է
Ռաշտի Ընթերցասիրաց և Թատերասի-
րաց ընկերութիւններին, որ նորանցից
իւրաքանչիւրը, 250 դրան, իրանց կող-
մից նպաստ տան երկսեռ դպրոցներին,

Թատերասիրաց ընկերութեան խորհր-
դի նախագահը, այդ բանը առանց յայտ-
նելու վարչութեան անդամներին, առանց
նիստ գումարելու և արձանագրութեան
մատենի մէջ մտցնելու, ինքնակամ տա-
նում և 250 դրանը յանձնում է դպրոցի
հոգաբարձութեան:

Արդ, արգարութիւնը պաշտպանելու
համար բողոքում եմ պատուական «Շա-
ւիղի» միջոցաւ այդ պարոնի դէմ: Ինչ ի-
րաւամբ էք դուք առանց վարչական ան-
դամների բարեհաճ կամքը իմանալու
ձեզ թող տալիս գործադրել նեղութեամբ
հաւաքած փողերը, ձեր քէֆի համաձայն:

Անցաւ այն ժամանակը երբ ռաշտե-
ցիք ձեր կապրիզներին հնազանդում էին:

Վարչութեան անդամ Ա. Յովսէփեան

ՆԱՄԱԿ ՆՈՐ-ՋՈՒՂԱՅԻՑ

3 սեպտեմբերի 1894

«Շաւիղի» իւր 24 համարում թէհրանայ
բողոքականաց Իրան-Բեթել օրերդաց
դպրոցի ուսմանց և հետևապէս շրջանա-
ւարտից յառաջագիծութեանց մասին խօ-
սելով ուրախութեամբ յայտնած էր թէ
դպրոցի պաշտօնական լեզուն որ յառաջ
անգլիերէն էր՝ այժմ հայերէն է և բոլոր
առարկաներն աւանդւում են հայերէն լե-
զուով և շատ իրաւամբ յարած էր, թէ
թող նորանցից օրինակ առնեն Հնդկա-
տանի հայ դպրոցներն և Նոր-Ջուղայի
Կեդրոնական դպրոցն ուր շատ առարկա-
ներ ուսուցանւում են անգլ. լեզուով: Այդ
մասին ես ևս համամիտ լինելով, «Շաւիղի»
ընթերցողների ուշադրութիւնն եմ հրա-
ւիրում իմ քանի նկատողութեանս վե-
րայ:

Յիշաւի անգլիերէնը կամ գաղղիերէնը
իբրեւ եւրոպական լուսաւորեալ ազգերի
լեզուներ շատ պիտանի են մեզ հայերիս
համար և պէտք է փափագանօք հիւրըն-
կալենք մեր ազգային դպրոցների մէջ
իբրեւ ուսմանց մի ճիւղ կամ լեզուագի-
տական առարկայ բայց ոչ թէ ամեն ա-
զատական արհեստ և ուսմունք պարտա-
ւոր ենք նորանց լեզուով և դասագրքե-
րով աւանդելու այն ևս անգլիագէտ ու-
սուցիչների ձեռքով: Այլ են ուսանելի
առարկաները այլ է լեզուագիտութիւնը
և քանի որ թէ Արարատեան և թէ
տաճկահայ բառբառով բազմատեսակ դա-
սագրքեր և մասնագէտ դասատուներ
չեն պակասում մեր ազգի մէջ, էլ ինչն է
պարտաւորեցնում մեզ միշտ խորթանալ
և բարոյապէս ստրկանալ:

Ինչպէս մի նորածին մանկիկ բնական
է որ պէտք է իւր մօր կաթով ու գթով
սնուի քան թէ դայեակի քանի որ մայրն
արդէն ֆիզիզապէս առողջ է, այս նոյն-
պէս և անհրաժեշտ մի ճշմարտութիւն է որ
իւրաքանչիւր ազգի մանուկներն որ ա-
պագայ սերունդներն են կազմելու պէտք
է մտաւորապէս դաստիարակուին մայրե-
նի լեզուի հարազատ և ոչ այլազգի խորթ
բարբառով, որովհետեւ նորանց առողջ
միտքն ու վառվառն զգացումներն մա-
նուկ հասակում, անզգայութեամբ ենպատ-
ւառուում, և բացի որ չափահասութեան
ժամանակ ոչ մի յարգ ու համարում չեն
ունենում դէպի իրանց ծնողները այլ
զգուելի քամահարանօք և անտարբերու-
թեամբ են վերաբերւում դէպի իւրեանց
ազգը: Կարծեմ «Շաւիղի» մէջ հրատա-
ւարակուած Բամբէյու թղթակցու-
թիւնը մի փոքրիկ ապացոյց կարող է հա-
մարուիլ դիտողութեանս:

Եթէ մեր սրտերից արիւն է հոսում
տեննելով որ օտար ուսումնարանները

զուտ անզղիականութիւն են և հայ անմեղ մանուկների թարմ մտքերն և զգայուն սրտերն հալուելով օտարադէմ արձաններ են ձուլուում, որչափ առաւել ցաւալի է երբ ազգային դպրոցն էլ որ քաջ ախոյեան պէտք է հանդիսանայ նորանց դէմ, ինքն ևս, պատուելի հոգաբարձութեան անուշադրութեան շնորհիւ նոյն օտարոտի և ազգամիաս շաւղովն է ընթանում և թէ բարեկամաց ներկայութեան խօսք բացուելով ցաւօք խօսուում է այդ անպատեհութեան վերայ, շատերի գաղափար ու պատասխանն այն է թէ մեր հայերէն լեզուն ու գրագիտութիւն այժմ օգուտ չունին, անզղիներէն է շահաւէտ և հարկաւոր հաց աշխատելու և սպրեւում համար:

Երեք տարի առաջ երբ զեր, Եսայի սրբազան արքեպիսկոպոսն մուտ գործեց այստեղ իւր թեմն և ազգային դպրոցների վիճակն ուշադրութեան առաւ՝ նորին սրբազնութիւնն արդար զայրոյթով բողոքեց այդ անպատեհութեանց դէմ մանաւանդ մի հայ ազգային կեդրոնական դպրոցի տիրապետող լեզուն անզղիներէն լինելու անճոռնի սովորութեան դէմ, և պատրաստ էր արիւսպէս զարման տանել այդ անպատեհութեան սովորութեան, սակայն նոյն ժամանակի անզղիներէն հայ վարժապետն, որ և դպրոցի ներքին տեսուչ էր՝ թէ ինչպիսի վարպետ հնարքով կամ համոզիչ փաստերով կարողացաւ նոյն ժամայն սրբազան առաջնորդի բարի դիտաւորութեանը խոչնդոտն լինել և շարունակել իւր ընթացքն այդ ինքն գիտէ, բայց թէ ինչ է պատճառն որ մինչև այժմ ևս նախկին դրութեամբ շարունակուում է և հոգաբարձուները լուում են, մինչև անգամ Ուսումնասիրի բարձրագոյն մի ուսումնարանում շրջաւանարտ մի լեզուապէս ուսուցիչ իւր պաշտօնակիցների խմբի հետ այժմեան անզղիներէն գաստուուի ներքին տեսչութեան, ազգեցիկ հրակողութեան ու հրամանին է ենթարկուած, զարմանալի է:

«Կաղնի ինչո՞ւ կացինը քեզ կտրուում է: Որովհետեւ կոթն ինձանիցէ»: Ուրեմն կաղնի արմատից սկսելով՝ ուսումնասիրենք նորա աճման և պտղաբերութեան ցաւալի հանգամանքն, հետեւեալ նամակներով:

Դիտակ

ՆԵՐՔԻՆ ԼՈՒՐԵՐ

Չորեքշաբթի օր զեր, հայր Սահակ Ալվատեան պատիւ ունեցաւ ներկայանալու Նորին Կայսերական Վեհափառութեան, Սօրխէ-Հիսարի գղեակում: Ունկնդրութիւնը տեւել է 20 րոպէ, և Նորին Վեհափառութիւն Եահնշահը յայտնել է իւր բարձր բարեհաճութիւնն իւր

հայտաւ հայերի մասին: Թարգմանի պաշտօն էր կատարում զեր, մերգա Մարտիրոս խան միւրփանջը:

Ազգային Ուսումնասիրաց ընկերութեան նախաձեռնութեամբ Քեդազդ զիւղը ուղարկուած ուսուցիչը, մի մասնաւոր նամակի մէջ հետեւեալն է գրում: «Հասնելով այստեղ և ներկայանալով վիճակաւոր քահանայ տէր Եղիային, ևս զտալ շատ սիրալիւր ընդունելութիւն թէ նորանից և թէ առ հասարակ բոլոր զիւղացիներէց: Այս վերջիններս ինձ շրջապատելով յայտնեցին իրանց ջերմ փափագը մի ուսումնարան ունենալու, և շնորհակալութիւն յայտնեցին առ ընկերութիւնը և տէր Սահակ հայրը որ թէհրանից մտածել են իրանց մասին: Գիւղացիները ինձ շրջապատելով խոստանում են բոլոր առաջարկներս կատարել, այսինքն մի նոր գետին առնել և մի շնորհքով ուսումնարան կառուցանել: Նոքա կամենում են մինչև իսկ օրիորդաց ուսումնարան ևս ունենալ: Գտնով շէնքին՝ այն ժամանակից երբ Վեհափառ Եահն անցած է լինում այս կողմերից՝ տէր Եղիան յաջողուել է տեղութիւնից 300 թուման շնորհի մի թուղթ ստանալ այնտեղ մի լաւ վարժարան կառուցանելու համար, սեղայն մինչև այժմ այդ խնդիրը թերի է թողուել և ջանքեր չեն եղել կառավարական շրջնորհը ձեռք բերելու համար: Այժմ մտադիր են այդ խնդրի մասին ևս դիմումներ անել: Սրբազան առաջնորդը արդէն մի քանի կարգադրութիւններ է արել այստեղի դպրոցի մասին, և այս մասին վիճակաւոր քահանայ տէր Եղիային կանչել է իւր մօտ հրահանգներ տալու համար: Քեդազդը մեծ ապագայ ունի: Երբ երկրի նկարագրութիւնը և բնակիչների օրպիսութիւնը գրեմ ձեզ, դուք ևս այդ մասին կը համոզուիք: Լաւ կը լինի որ Ուսումնասիրաց ընկերութիւնը մասնաւոր ուշադրութիւն դարձնէ այս երկրի վերայ, այսինքն իւր նախաձեռնութեամբ ուսումնարաններ հաստատէ այստեղ և օգնէ զրբերով, գասական պիտոյքներով և այլն: Փող չի ուզուում ընկերութիւնից, այլ մանաւանդ իւր բարոյական օգնութիւնը: Յոյս ունինք որ զարնան ուսումնարանի շինութիւնը սկսուի: Չորս հարիւր զիւղացիների համար մը թեթեւ գործ է մի ահագին շէնք կառուցանել: Հոյր աժան է այստեղ և գործը գիւրդին»:

Լսում ենք որ վաղը կիրակի տեղի ունենալու է ինտլաստ Երաժշտասիրաց ընկերութեան մի ազգային հանդէս Վեհափառ Միթոնդիկոսի օժման տարեգարձի առթիւ Դովլաթի թաղի վարժարանում՝ Սկսում է ժամը հինգ ու կեսին:

ԱՐՏԱՔԻՆ ՏԵՍՈՒԹԻՒՆ

«Դէյի Նիւզ» լրագրի կարծիքը

Չին-ժապոնական պատերազմի առթիւ «Դէյի Նիւզ» լրագիրը մի հետաքրքիր բաղդատութիւն է անում երկու երկրների մէջ, որ ծարղամանարար հրատարակում են:

Մենք չենք կարող, ասում է նա, մի տեսակ տեսողութիւն չանել երկու երկրների մասին: Մեր համակրութիւնը տառապալէս կախում ունի մեր սեպական ծաշակներից: Չինաստանը մի ուսանող է, մի գրքերի որդ (հետազօտող), մինչև անգամ մի սովետ: Ժապոնը մի արտիստ է, ծայրագոյն Արեւելի նկարիչը, բանաստեղծը, պարսիկը: Մենք (Ներպան) շատ բան ենք սովորել Ժապոնի արհեստից: Սրանցից զմագրութեան և նոյնչափ քաւանչիլի կունաւորութեան ծարտութիւնը կատարանում է Ժապոնին: Այն արհեստը որ կարող է փոխադրել շարժումը դէպի պատկեր, նմանապէս պատկանում է Ժապոնին: Մեր ամենաթոււ նկարիչներից մի քանիսը խոստովանուել են որ նորա շատ բան են սովորել Ժապոնից իսկապէս, մի տեսակ խենթ սիրահարութիւն է տիրում մեր մէջ, և շատ ուրիշ եւրոպական երկրների մէջ, դէպի Ժապոնի նկարչական արհեստը: Բայց, միւս կողմից չոր կայ մի նկարիչ կամ քանդակիչ որ կարողանայ ասել մէջ շատ բան կամ որ և է իջէ մի բան սովորած լինի: Չինական արհեստից: Մեզ շատ քիչ են հետաքրքրում կամ զոնէ քիչ պէտք է հետաքրքրեն—այն կանաչ վիշապները, կամ տարօրինակ հրէշները կամ նոյն իսկ այն ուսանող պնակները որոնք հասարակ մենք ունինք մի տեսակ կեղծ սրանչացում: Այնուամենայնիւ, արհեստը, կամ ինչ որ մենք կոչում ենք արհեստ, կեանքի մէջ կը լինի ունեցող միակ բանը չէ: Ամեն բան Ժապոնում սեւի կամ նուազ սիրուն է: Սովորական արեւմուտի ճանաւարարողը սիրահարում է Ժապոնին: Սովորական արեւմուտի ճանաւարարողը ոչ մի կերպով չէ սիրահարում Չինաստանին, Ժապոնում ամեն բան մարդու գրաւում է, մարդու հմայում է կանայք այնքան սիրուն են, այնքան փոքրիկ, այնքան շնորհալի, այնքան ընդունակ հետեւողներ են այրերը և քաղաքական քաղաքակրթութեան: Չինաստանի մէջ դեռ ևս մեծ ջանք է դրած գրեւոր օտար բարբարոսների շաւղներից հեռու մնալու: Միւս կողմից ժամանակակից պատմութեան մէջ չոր կայ մի գրիմակ այն արագ փոփոխութեան, որով Ժապոնը հազաւ արեւմտեան քաղաքակրթութիւնը որպէս մի հանդերձ: Մէկ շաբաթ Ժապոնը ժապոնացի էր, միւս շաբաթ նա եւրոպացի դարձաւ: Մինչդեռ Չինաստանը մինչև նոյն իսկ այսօր իւր բոլոր ջանքը դրած է դնում դուրս մնալու համար այն շարժումից որ ձգտում է դէպի Արեւմուտքի սովորութիւնները և բարքերը: Ժապոնը արդէն ունի պարտաւնական և երեսփոխանական հաստատութիւններ: Չինաստանը դեռ չէ բաց արել իւր դռները Արեւմտեան քաղաքակրթութեան առաջ:

(Կը շարունակուի)

ԱՐՏԱՔԻՆ ԼՈՒՐԵՐ

—Լոնդոն 14 սեպտ. Հասած լուրերի հիման վերայ Կորեայի հարաւային կողմի, բոլոր բնակիչները Ժապոնացիների վերայ յարձակուել են և երկու հազար Ժապոնացիների, որոնք Սըուլի վերայ քալելու մտադրութեամբ ցամաք էին ելել, ճանապարհը ամեն կողմից կտրել են միայն 800 հազիները հազիւ կարողացել են կոտորածից ազատուիլ և թուղան վերադառնալ:

Արտօնտէր—Հրատարակիչ

ԱՆԴՐԵԱՍ ԲԵԿԵԱԶԱՐԵԱՆՑ